


上海市商會商務科編輯

金融業



序

余嘗言商業統計之重要性，於本叢書『棉布業』編中矣。然則，金融業之於統計，又有若何關係哉？並世各國，無論其經濟制度之爲資本主義或社會主義，對於其產業莫不施以計劃的統制。所謂統制經濟，已成爲世界各國保護產業救濟民生之一大工具。金融業爲近代產業之原動力，酌盈劑虛，端賴金融爲之調節。一國金融事業之消長，恆足以測其國民經濟之盛衰。故立國於今日而言救濟產業，固以統制經濟爲唯一捷徑，而尤以統制金融爲必要手段。吾國朝野人士，懍於產業之凋敝，經濟之衰落，盛倡仿行之議。惟各國之經濟，各有其特性。故其統制，亦各有其背景。蘇俄之計劃經濟，與意大利法西斯統制，迥不相同；卽與德日等國所推行之方法，亦有互異。若以世界各國統制之成規，以爲中國設施之藍本，誠恐削足適履，利未見而弊先至。蓋凡事必須因時因地而各爲制宜，初不僅以規撫他山，謂足盡改進之能事。此與金融業之場合爲尤然！惟如何能求環境之適應，非先有詳盡之調查與統計不可。斯上海

市商會之所以於從事商業統計之初，列『金融業』爲第一期而先舉也。上海金融組織，向有新舊兩種。新組織以銀行及信託公司爲中心，舊組織以錢莊爲骨幹。故本書之輯，分列三編：一銀行業；二錢業；三信託業。先以各項統計之數字，概其略；次以各業領袖之論著，申其說；以各家個別之調查，求其詳。編輯既竟，將付殺青，顧清華有不能已於言者。以中國統計材料之缺乏，欲舉人民自覺自助之精神，作大規模詳盡之調查，自非事實所可能。爲今之計，先求其有，次求其備，逐步經營，循序進展。若謂斯書之作，足以樹國內商業團體舉辦統計之先聲，則內容縱有罅漏，倘亦不失爲芻蕘之獻歟？

中華民國二十三年五月駱清華序於上海市商會

目次

序

駱清華

第一編 銀行業

第一章

論著

(一)

一、銀行業之過去與將來

貝淞孫

二、銀行業與工商業之關係

王延松

第二章

統計

(九)

第三章

上海市銀行業同業調查

(一五)

第四章

附錄(上海市銀行業業規)

(一二三)

第二編 錢業

第一章

論著

(一二一)

一、錢業之過去與將來

秦潤卿

二、二十二年錢業之概述	裴雲卿
-------------	-----

三、錢業與工商業之關係	俞佐廷
-------------	-----

第二章 統計	(一四三)
--------	-------

第三章 上海市錢業同業調查	(一四五)
---------------	-------

第四章 附錄(上海市錢業業規)	(一八七)
-----------------	-------

第三編 信託業

第一章 論著	(二〇三)
--------	-------

一、信託業之過去與將來	黃溯初
-------------	-----

二、二十二年信託業之概述	嚴成德
--------------	-----

三、信託立法與信託業	李文杰
------------	-----

第二章 統計	(二一七)
--------	-------

第三章 上海市信託業同業調查	(二一九)
----------------	-------

第一編

銀行業

第一章 論著

銀行業之過去與將來

貝淞孫

金融事業爲近代產業發展之原動力，其在國家社會中所處之地位，無異工廠中凡百機械之一種。金融事業之消長，國民經濟之盛衰係焉。民國以還，上海銀行事業蒸蒸日上。民國元年至十年間，先後成立者，近三十家。民國十年以來，新增者又三十家。迄今綜計內國銀行之總數，已達七八十家，與錢莊及外國銀行，成鼎足之勢。自民國十六年國民政府奠都南京，十七年十月，國府公布中央銀行條例，而中央銀行於是年十一月一日，宣告成立，是爲正式之國家銀行。同時中國銀行與交通銀行，又經政府改爲特種銀行，中國銀行特許爲國際匯兌銀行，交通銀行特許爲發展全國實業銀行，俾能擴張其使命，發揮其機能。以銀行方面新興數量之加增，組織規模之漸具，方冀各本方針，循序發展，不謂二十一年一二八滬變猝起，金融重心，首當其

衝。雖幸經各方處以鎮靜，卒得化險爲夷。惟鑒於時局之艱難杌隉，益覺有締結團體以固基礎之必要。乃就銀行業同業公會內，組織『銀行業聯合準備委員會』。於是年三月十五日公告成立。辦理聯合準備及折放款項事宜，步驟賴以一致，金融益臻鞏固。此種團結實力之增進，不可謂非銀行業趨向健全發展途徑中之良好象徵；而過去銀行業對於經營上之共同合作，與夫實務上之各方改進，尤有得而述者，略舉如次：

一、中國徵信所之創設。金融業爲工商各業之總樞紐，周轉調節，惟金融是賴。惟

銀行以資本爲基礎，以存款爲根據，而以放款爲依歸。故放款之安全，與銀行實有深切之關係。徵信所以調查各商號暨個人之身家事業財產信用以及市場消息等爲職務，實爲銀行扶助工商各業之先鞭。滬上各華商銀行有鑒於此，爰有徵信所之創設。先由各銀行組織中國興信社，再由中國興信社附設中國徵信所，以徵信所爲對外接洽機關。於二十一年六月六日正式成立，洵爲國人自設公共信用調查機關之創舉也。

二、票據交換所之設立。年來銀行事務，日趨發達，票據流通，與時俱增。各銀行各自收付，手續繁瑣，不便孰甚。蓋票據交換所之設立，已有急不容緩之勢。銀行業聯合準備委員會成立後，即經銀行業同業公會之決議，由該會兼辦票據交換事宜。於二十二年一月十日正式開辦。于是上海金融界同人倡導期望於十餘年前，屢議而屢輟之事業，卒獲實現於今日。綜觀二十二年全年交換總數，計銀元十九萬六千六百四十五萬一千七百六十一元八角三分，票據九十萬零二千六百六十張。每日平均交換數，計銀元六百五十七萬六千七百六十一元七角四分，票據三千零十九張。就逐月金額比較言之，則一月份至四月份，由每日二百餘萬，增至五百餘萬，其後每月紀錄，均有增加。至十月份超越九百萬元以上，交換範圍，逐月擴展，其日臻進步之趨勢，於此可見一斑。

三、廢兩改元之告成。廢兩改元問題，民國三年時，政府已有倡議。祇以格於環境，未能早見實行。泊乎民國二十一年，經過十八年之遞嬗演化，時機漸告成熟，並以各地銀底日減，洋底日增，用銀之習慣漸除，銀元之需要日盛，舉國朝野人士，見廢

兩之機會已至，於是舊事重提，力圖改革。財政部先定於二十二年三月十日起，實行銀洋並用，以規元七錢一分五厘，合銀幣一元，爲一定之換算率，以爲廢兩之初步。嗣財部於同年四月六日，發佈命令，實行廢兩。所有一切公私款項交易，一律須改用銀幣，不得再用銀兩。凡持有銀兩者，得依照『銀本位幣制條例』之規定，請求中央造幣廠代鑄銀幣。但祇准以銀兩兌銀元，不得以銀元兌銀兩。至是，廢兩問題，方告一段落。今後不但一般商人方面，可免除兩元間漲落之危險，即銀行方面，亦可廢去兩元二重之準備。其有裨於國計民生者，實非淺鮮也！

雖然，銀行業過去共同締成之結果，與夫社會有造於銀行業者，有如上述；顧時代進展不已，今後對於銀行業所負之使命，尙有不能已於言者。近年以來，農村衰落，日甚一日，財富流向都市，資金集中口岸。上海則肢體臃腫，內地則形銷骨立。惟內地爲上海之命脈所繫，上海斷不能以內地之衰落，而謂可獨保其繁榮；亦不能以內地資金保藏銀行之手，而謂上海之繁榮，可藉以增進。必須內地與上海相互調節，周轉融通，然後榮枯均等，方可無畸形發展之慮。金融業爲酌盈劑虛之中心，年來關於國

貨產銷之合作，及國貨之介紹，銀行雖已盡力贊助，爲今之計，更應深入內地，使內地與上海之經濟統系，益臻銜接，以謀農村與都市間生產資金之活動，而盡挽救國民經濟之機能。顧欲達此鵠的，非金融業本身先有自覺自助之精神，不爲功。自覺自助之道無他，端在健全組織，認清方面而已。茲舉數事，聊備芻蕘，藉爲今後努力進程中之參考云爾。

一、衆志成城，古有明訓。今後時事日艱，凡事尤非羣策羣力不爲功。我國金融業現象之散漫，要無庸諱，今後如何各本使命，分頭的連鎖的通力合作，完成金融上整個之組織，以鞏固全般金融之基礎，實爲當務之最急者！

二、挽回國內物價低落，美議員又盛倡提高銀價之說，我國學者或主限制銀兩出口，或主改用金本位，以爲自衛。顧此種自衛之法，國內必先有完善之通貨制度，方足以盡伸縮之機能。我國貨幣，向稱複雜，廢兩之議雖成，通貨信用猶淺。所望政府對幣政改革，急起直追，務期於最短期內，成立一完善可行之制度，以建立健全的通貨信用，並望國人對此力謀合作，協助政府，以促其成；而我與幣制最有密切關

係之金融業，尤應以此引爲己任。

三、通貨之信用制度既立，資金乃得調節之機能。金融業於此卽應利用此項資金，盡力於生產事業，以減少失業，與增進國民之購買力。蓋中國目前之需要，莫急於建設；而建設之道，尤以增進生產爲首要也。

四、繁榮工商，復興經濟，爲中國今後建國之要圖。而上海爲工商業薈萃之區，亦全國金融之中心。地勢所處，責職彌鉅。今後如何集中才力與資力，同一步驟，同一鵠的，共圖全國產業之發展，作自主經濟之建設，在不損主權範圍之內，謀國際之合作，庶幾中國國民，對世界繁榮之恢復，亦得盡其一份子之助力乎！

銀行業與工商業之關係

王延松

凡欲求工商業之發達，首須謀經濟之充裕，與金融之活動。正如我人欲求身體之健全，首須謀血液之充裕與活動，同一理也。蓋工商業爲體，金融爲血。世未有見血枯而體健者；更未見有體健而感貧血者也。然則，欲謀經濟之充裕，與金融之活動，非企望於銀錢界之勇於投資不可。故銀錢界實有操縱工商業興衰之權，亦即負有繁榮工商業之重大使命。我人目銀錢界爲工商業之推進者與撫育者，固無不可；苟於工商業發生病態時，目之爲醫治者與維護者，亦無不可。綜之，兩者之間，關係至切，此爲社會人士所共稔，毋待喋喋。

今者，世界各國，無不杌隉於經濟恐慌之下，世界經濟幾瀕於破產之厄運，我國遭此際會，何能跳出漩渦而獨異？環顧國內情形，百業凋敝，民不聊生。請就其大者顯者而言之：綢緞一物，嚮則衣被萬國，燦爛全球，今受外貨侵奪，生路告絕；茶葉一業，亦爲我國輸出之大宗，昔嘗馳名於國際貿易市場，今則奄奄垂斃。其他如棉業、織、毛織

業、米業、紙業、糖業、橡膠業等等，莫不外受洋貨之壓迫，內因金融之枯竭，而形成衰敗零落一蹶不振之象。其有待於金融界之維護救濟，甚爲迫切。是則今日工商業之病態，金融界不能不負其相當之咎也。

雖然，我人責備金融界，亦祇能盡於此矣！凡事必須自救，而後人救之。工商業本身亟應謀如何增加生產？如何改良出品？如何推廣銷路？如何振發營業？切莫蹈今日同業競爭，自相殘殺之弊，而自趨末路，庶使金融界目擊佳狀，勇於投資，或出其全力爲之維護。如此，在金融不致將負責保管與付託運用之存款，投擲於危險萬狀毫無把握之境，而工商業亦得以活動資金，繁榮業務，共趨於光明燦爛之域。此豈僅工商業之福，抑亦我全國之幸。是所切望於今日之金融界與工商界，共同努力，相互黽勉者也。

第二章 統計

(一) 上海市內國銀行營業性質統計表

項 別	家 數	資 定	本 實 收	公 積 金	儲 蓄 部 基 金	二十一年度 各種存款總額	二十一年度 各種放款總額	二十一年度 儲蓄存款總數	職 人 員 數
國 家 銀 行	1	20,000,000.00	20,000,000.00	7,405,559.36	—	152,981,387.89	97,741,867.23	—	800
國 際 匯 兌 銀 行	1	25,000,000.00	24,711,700.00	1,615,385.66	—	418,283,105.18	288,854,416.13	—	2300
實 業 全 國 實 業 銀 行	1	10,000,000.00	8,715,500.00	2,316,724.10	500,000.00	182,213,805.20	140,159,629.84	10,220,133.53	1200
省 立 銀 行	1	1,000,000.00	800,000.00	811,993.08	200,000.00	10,555,993.42	7,522,201.11	3,087,072.10	72
地 方 銀 行	1	1,000,000.00	1,000,000.00	45,000.00	—	2,424,322.10	1,237,134.95	—	61
以上各會之內國銀行 實業及儲蓄銀行 未入公會之內國銀行 實業及儲蓄銀行	28	165,900,000.00	93,141,220.00	23,440,646.93	8,101,000.00	788,449,922.04	566,144,875.38	125,436,327.18	5384
總 計	28	28,663,500.00	13,920,450.00	938,390.64	2,433,000.00	62,335,918.85	62,643,974.71	12,776,167.56	1063
總 計	61	231,563,500.00	172,288,970.00	36,573,709.79	11,235,000.00	1,618,514,454.77	1,164,344,189.35	151,539,705.77	11080